

# আপ-টু-ডেট



শ্রীযামিনী মোহন কর, এম. এ.



# আপ-টু-ডেট

( মাটিক )

শ্রীযামিনী মোহন কুল, এম. এ.

ডি, এম, লাইব্রেরী

৫২নং বণওয়ালিম থাট, কলিকাতা।

প্রকাশক—  
শ্রীগোপালদাস মজুমদার।  
ডি, এম, লাইভেরী  
৪২নং কর্ণওয়ালিস স্ট্রিট, কলিকাতা।

আষাঢ়,—১৩৯৩

২ষ্ঠ সংস্করণ

মুল্য—ৰাষ্ট্র আনন্দ।

মুদ্রাপক : শ্রীপ্রবোধ ঘোষ  
গোরাচান প্রেস  
১৪, মহান মিত্র লেন কলিকাতা।

## আপ-টু-ডেট

### প্রথম দৃশ্য

স্থান—হেদো

[ তুঁজন কলেজের ছেলে বসে গল্প করছে। নাম প্রশান্ত ও  
বাসব। প্রশান্তের গায়ে খদব। মাথায় গাঙ্কা ক্যাপ।  
বাসবের বাঁরা কাটা চুল। সিল্কের পাঞ্জাবী।  
দেশি ধূতি। গায়ে চাদর ও পায়ে কাবুলি  
স্তাডেল। চোখে রিমেশ চশমা। ]

প্রশান্ত। তোর এখন ফিজিস্কের ক্লাস ছিল না, বাসব?

বাসব। হ্যাঁ, যাইনি।

প্রশান্ত। আজ আমাদের বাঙ্গলার অধ্যাপক বিনয় বাবুর ক্লাসে  
যা কাণ্ড হ'ল তা আর কি বলব।

বাসব। কি?

প্রশান্ত। জানিস তো লোকটা এমনিই অভি চালিয়াও, তাৰ  
ওপৰ বিয়ে কৰে একেবাৰে ধৰাকে সৱা জ্বান কৰছেন।  
সেজেগুজে আসেন যেন জামাই বাবু। ক্লাসে যে  
ছেলেৱাও পড়তে আসে তা যেন খ'র মনেই থাকে না।  
মেয়েদেৱ দিকে চেয়ে পড়ান। আজ তো একেবাৰে

## আপ-টু-ডেট

আমাদের দিকে পিছন করে দাঢ়িয়ে পড়াচ্ছিলেন,  
এমন সময়—

[ বাসব কৌতুহলী হয়ে প্রশান্তের পানে চাইল ]

এমন সময় নটবর এক বিশ্রী চৌকার করে উঠল।  
অধ্যাপক-মহাশয়ের যেন ধ্যান ভাঙ্গলো। চমকে  
উঠলেন তিনি। ক্রুদ্ধ হলেন তারপর। বাঙালির  
মাষ্টার, কিন্তু যৈ ফোটাতে লাগলেন ইংরেজিতে। উঃ,  
কি ফুঁয়েন্সি। বাঙালি বার্ক! ডিসিপ্লিনের অনেক  
উপদেশ বষিত হল আবণধারার মত। অতঃপর ‘কে  
অমন আওয়াজ করছিলে’—করলেন জিভাস। নটবর  
বল্লে—‘আমি।’—‘আমি।’—তিক্ত শব্দে খেকিয়ে  
উঠলেন গুরুমহাশয়। রেগে বল্লেন—‘যাও আমার ক্লাস  
থেকে বেরিবো।’ তাতে নটবর উত্তর দিলে—‘ক্লাস  
থেকে কেন স্যার একেবারে কলেজ থেকেই চলে যাব।  
এ ডিসিপ্লিনের কলেজে চাই না থাকতে। যখানে  
প্রোফেসোরোঁ শুধু মেয়েদেরই পড়ান, আর তেলেদের  
ডিসিপ্লিনড় করেন, সে কলেজে আসছে জন্মে পড়তে  
আসব মেয়ে হয়ে।’ বলেই হন হন করে চলে গেল।  
বিনয় বাবুর মুখ লজ্জায় অপমানে লাল হয়ে উঠল।

[ এমন সময় দেখা গেল একটি মেয়ে বই হাতে সামনে  
দিয়ে চলে গেল। বাসব উঠে দাঢ়াল। সচকিত  
অনুসরণের ছন্দ তার আবশ্যিক ছাঞ্জলো। চলে  
যেতে উদ্বৃত্ত হল। ]

ପ୍ରଶାସ୍ତ୍ର ।      ଯାଓ କୋଥାର ?

ବାସବ ।      ପ୍ରାକ୍ଟିକ୍ୟାଲ କ୍ଲାସ ଆଛେ ।

[ ଉତ୍ତରେଇ ଅପେକ୍ଷା ନା କରେ ଚଲେ ଗେଲ ।

ପ୍ରଶାସ୍ତ୍ର ।      ଯାଓ । ପ୍ରାକ୍ଟିକ୍ୟାଲ କ୍ଲାସ କରଗେ ଇନ୍ କିଉପିଡ଼୍ସ କଲେଜ । ଆମାର ସଦି ଏକଟା ଗାଡ଼ୀ ଥାକତ—

[ ହଠାତ୍ ଜେଦେଇ ସ୍ତରେ ]

ନା ଥାକୁକ ଗାଡ଼ୀ । ହେଟେଇ ଫଳୋ କରବୋ । ଇଟ୍ ଇଜ ଏ ପ୍ଲେଜାର ଟୁ ଫଳୋ ଲଭ ।

[ ପ୍ରଶାସ୍ତ୍ରଙ୍କିଳିତ ପାଇଁ ]

[ ଅନ୍ଧକଷ୍ଟଣ ପାଇଁ ବନ୍ଦୁମହ ରାମସଦର ବାବୁର ପ୍ରବେଶ ]

[ ରାମସଦର ବାବୁର କିଂଚି ପାକା ଚୁଲ୍, ଗୋଫ ଓ ଦାଡ଼ି । ବସନ୍ତ ପଞ୍ଚଶ, ମାଥାଯ ଟାକ । ଚୋଖେ ନିକେଲେଇ ଚଶମା । ଏକଟୁ ଶୌତକାତୁରେ । ଗଲାଯ କମ୍ଫଟାର, ଗାସେ ରାପାର । ହାତେ ଏକଟା ମାଟା ଲାଟି । ମୁଖ ଦେଖଲେଇ ମନେ ହୁଏ ମେଜାଜଟା ତିରିକ୍ଷି । ]

ବାମ ।      ମୁମ୍ଭତ ଦିନ ହାଡ଼ଭାଙ୍ଗା ଖାଟିନୀର ପର ବାଡ଼ୀ ଗିରେ ଯେ ଏକଟୁ ଜିରୋବୋ ତାର ଉପାୟ ମେହି । ଗିନ୍ଧା ତୋ ମବ ମୁହଁଟି ହୁୟେ ଆଛେ ମାରମୁଖୀ ! ବଡ଼ ମାନୁଷେର ମେଯେ ! ଆରେ, ବିପ ବଡ଼ ମାନୁଷ ଆଛେ ତୋ ଆଛେ, ତାତେ ଆମାର କି । ତାର ଓପର ଛେଲେ ମେରେଦେଇ ଘ୍ୟାନ ଘ୍ୟାନ ପ୍ୟାନ ପ୍ୟାନ । ଅମହ ! ( ଏକଟୁ ଥେମେ ) ବଡ଼ ଛେଲେଟାଓ ମାନୁଷ ହବେ ବଲେ ତୋ ମନେ ହଚେଇ ନା । ବଚର ବଚର ଫେଲ କରଛେ ଆର

## আপ-টু-ডেট

রাতদিন পত্ত লিখছে। বলি—‘বাবা প্রেম, একটু  
পড়াশুনো কর।’ তা বলে—মানে, পত্ত করে  
বলে—‘নিজের লেখ: পড়াটা কি পড়া নয়।’  
অপদার্থ।

বঙ্গ। কাকে বলছ? আমারও তো সেই অবস্থা।  
আমার পুত্রটিও তদ্রপ। তবু ভালো তোমার  
স্ত্রী বড়লোকের মেয়ে, ঘরে থাকেন, দেখা শোনাও  
করেন। আমার স্ত্রী ষে সংসারটা আমার ঘাড়ে  
ফেলে দিব্য আরামে বাপের বাড়ী পড়ে থাকেন।  
অথচ তাঁর না আছে রূপ, না আছে শৃণ, আর না  
দিয়েছেন তাঁর বাপ রূপেয়া। একবার আমার  
কথাটা ভাবছ।

রাম। (বসে) একটু বস।

বঙ্গ। না ভাই, বাড়ী গিয়ে দেখি বামুন এসেছে কিন? না  
হলো নিজেই রান্না করতে হবে।

[ প্রস্তান

রাম। হরি হে তুমিই সহায়।

[ বেঁধে বসে চোখ বুজালেন।

[ নন্দলাল বস্তুর প্রবেশ। হাতে ফোল্ডিং ব্যাগ।  
চোখে কালো ফ্রেমের চশমা। ব্যস্ত ভাব। এদিক  
ওদিক চেয়ে রাম সদয় বাবুকে দেখে— ]

(স্বগত) একে গাঁথতে হবে। এন্ডাউমেণ্ট  
না হোল-লাইফ? দেখা যাক। বেশ শাসাল

মনে হচ্ছে। দেখতে গৱাব হলে কি হবে বাবা,  
ভেতরে ভেতরে লাল হয়ে আছে। বর্ণচোরা  
আম! (কাছে এসে) শুনছেন মশাই, ও মশাই—

[নাড়া দিল]

রাম। (ঘুমের ঘোরে) যাও, যাও, বিরক্ত কোরোনা  
গিন্নী, ভাল হবে না বলছি—

নন্দ। ও মশাই, গিন্নী কোথেকে এল?

রাম। (চোখ রংগড়াতে রংগড়াতে) কে হে তুমি—একটু  
বিশ্রাম করছি তা সহ হ'ল না। কানের কাছে  
ফ্যাচ ফ্যাচ। বলি, কি চাও হ্যাঁ?

নন্দ। আপনাকে বাঁচাতে এসেছি, প্রাটেকশন দিতে  
এসেছি।

রাম। কেন, তুমি বিধাতা পুরুষ নাকি?

নন্দ। আপনি যুক্ত হ'লে আপনার বিধবা স্ত্রী, পুত্র কন্তা  
সব ভেমে ষাবে, আমি তখন—

রাম। তুমি তখন তাদের উক্তার করবে। ফাজলামির  
আর জায়গা পাও নি—

নন্দ। ভেবে দেখুন, কল্পনা করুন, শেষের সে দিন ভয়ঙ্কর।  
ছেলেরা না খেতে পেয়ে কাঁদছে, গৃহিণী,—আপনার  
অতি আদরের গৃহিণী, শোকে পাগল হয়ে গেছেন,  
ওহো! দেখতে পাচ্ছেন কি শোচনীয় পরিণাম—

রাম। ভ্যালা জালাতন দেখছি। বলি, মশায়ের মাথায়  
ছিট আছে নাকি?

## আপ-টু-ডেট

- নন্দ। (আপনার তালে) সেই দিনের ভয়ঙ্করী মৃতি  
ভাবলে প্রাণ শিহরে ওঠে! তাই আপনার  
উচিত ষাটে আপনার স্ত্রী ও সন্তানগণ আপনার  
অনুপস্থিতিতে কষ্ট না পান তার চেষ্টা করা।  
অর্থাৎ কিনা আমার এই ইউনাইটেড লাইফ  
এসিওরেন্স কোম্পানীতে জীবনবৈমা করা।
- রাম। তা এত উপকৰ্মগুলি না ক'রে সোজা ব'ললেই  
তো হ'ত যে আপনি একজন দালাল।
- নন্দ। আপনার বয়স কত? ধরুন কটি। আপনি যদি  
হোল-লাইফ পলিসি নেন, তবে এক হাজারে  
আপনার প্রিমিয়ম পড়ছে গিয়ে ফটিওয়ান রূপিজ।  
আর যদি আপনি টোয়েল্টি ইয়াস' এনডাউমেন্ট  
নেন... তবে এক হাজার টাকা পিছু পড়বে গিয়ে  
ফটি' এইট রূপিজ ফোটি'ন অ্যানাজ। তবে দেখুন  
এই ক'টা টাকায় আপনি সংস্থান করছেন ফিউচার  
জেনারেশনের জন্য একহাজার টাকা—
- রাম। কেন মিছামিছি সময় নষ্ট করছেন। আমি  
ইন্সুর করব না।
- নন্দ। মিছামিছি! বলেন কি মশাই! জানেন 'দেশের  
সোকদের জন্য প্রাণপাত চেষ্টা করা' এই আমার  
জীবনের ত্রুত। সকলে ইন্সুর করলে দেশে  
অনাহারে মরা, ভিক্ষ করা, আত্মহত্যা, এসব  
দেখতে দেখতে কমে যাবে।

রাম। সবই বুঝলুম, কিন্তু আমার কাছে এসব বৃথা  
বলছেন।

নন্দ। আমাদের দেশে অভাব কিমের জানেন ?

রাম। অন্ধবন্ত্রের।

নন্দ। না, না—অভাব হচ্ছে ব্রেনের। স্যার ব্রাট  
বড়েন বলেন ‘যেমন মানুষকে বাঁচতে হলে  
হাওয়া জল খাত্তের দরকার তেমনি তার  
ইন্সওরেন্সের দরকার। জাতীয় উন্নতি ইন্সওর  
না করলে হবে না।’ এর ওপর আপনি আর  
কথাটি বলতে পারবেন না। এ বাঙালীর কথা  
নয়, সাহেবের কথা, একেবারে থাঁটী।

রাম। বার বার বলছি আমি ইন্সওর করব না, কেন  
জালাতন করছেন।

নন্দ। আপনাকে আমি আমাদের কোম্পানীর একটা  
স্পেশাল স্কাম দেখাচ্ছি, ফটি পাসেণ্ট প্রভিডেণ্ট  
স্কাম। খামা জিনিষ। স্তুর এন, আর, চক্রবর্তী  
মেই স্কাম আমার কাছ থেকে ‘শুনে’ একেবারে  
ফিফটি থাউজেন্ডের ইন্সওর করে ফেললেন। মশাই,  
বেন যদি সকলের থাকত, আজ বাঙলা তবে স্বাধীন  
হয়ে পড়ত।

রাম। তাদের কাছেই যান মশাই, আমার কাছে কেন ?  
বলি, আর কোন কাজ কম’ নেই কি ?

নন্দ। কাজ কম নেই ! প্লোজ ডোণ্ট ইনসাণ্ট এ

## আপ-টু-ডেট

প্র্যাকটিকাল ম্যান লাইক মৌ। জানেন আজ সমস্ত  
দিনে ডিনটি কেস করেছি। সব সুন্দর প্রায় বিশ  
হাজার টাকার। এক মিনিট কি নিঃশ্বাস ফেলবার  
সময় আছে। এখনি আবার অনারেবল মিষ্টার  
বুনবুনওয়ালাৰ কাছে যেতে হবে।

রাম। তাই যান মশাই, তাই যান—

নন্দ। ( নোটবুক বাব ক'রে ) আপনাৰ নামট', বাড়ীৰ  
ঠিকানা—

রাম। গুরুপদ দাঁ, ২২১৩ সারপেণ্ট লাইন লেন।

নন্দ। আচ্ছা, কাল সকালে আসব। নমস্কার।

রাম। নমস্কার।

[ নন্দৰ প্রশ্ন। ]

রাম। আঃ বাঁচালে। মুক্তিল করেছে এই এজেন্টেৱ  
দল। এদেৱ জালায় বাঁচা দায়। অফিস থেকে  
খেটে খুটে গিন্নাৰ ভয়ে এলুম একটু বিশ্রাম কৰতে,  
তাও ব্যাটাৰা দেবে না। কপোৰেশন এদেৱ  
জেলে দেয় না কেন? একটা মিথ্যা কথা বলুম,  
উপায় কি? সত্যিকাৱেৱ বাড়ীৰ ঠিকানা দিলে,  
বাপ।

[ আৱাম ক'রে চোখ বুজিয়ে চেমান দিয়ে বসলেন ]

নলিনী সেনেৱ প্ৰবেশ। চোখে উদাসভাৱ, কঢ়ে গান, সঙ্গে  
তুড়ি বাজিছে। চেহাৰা, কথা ও ভঙ্গী মেষেলী। ]

গগন দিয়ে ঘাস উড়ে যত চিল—

প্ৰাণেৱ স্বত্যায় দিই আমি তত চিল।

কোনো শ্রোতা পাঞ্চিনা যে গান শুনাই, অথচ  
গানগুলো পেটে গিজগিজ করছে। ( রামসদয়  
বাবুকে দেখে ) এই ঠিক হৱেছে, একেই শুনাতে  
হবে। দেখেই মনে হচ্ছে সমস্তদ্বাৰ। ( কাছে  
গিয়ে ) যুমাচ্ছেন ? তবে মেই গানটা গাই !

রাস্তা দিয়ে থাচ্ছে চলে যয়লাৰ গাড়ী রে ।

উড়েৱা দেয় রাস্তাৰ কলেৱ জল ছাড়ি' রে ॥

কাক ডাকছে কা কা,  
ৰোদ উঠেছে ঝঁা ঝঁা

এখনও তুমি যুমছ প্ৰিয়ে অগ্নায় ভাৱী যে ।

ওঠো তোমাৰ আদৰ কৰি নেড়ে দাড়ি হে ॥

[ রামসদয় বাবুৰ দাড়িতে হাত বুলোতে লাগল ]

রাম । ( চমকে উঠে ) কে হে তুমি অসভ্য ছোকৱা,  
দাড়িতে হাত দিছ ? নেশা টেশা কৰেছ নাকি ?

অলিনী । অনৰ্থক আমাৰ প্ৰতি নিঠুৰ হ'চ্ছেন কেন ? আমি  
উজাড় ক'ৱে দিতে গ্ৰেছি আপনাৰ পায়ে আমাৰ  
গানেৱ ঝুড়ি—

চৱণে তোমাৰ উজাড় ক'ৱে দেবগো আমি ।

গানেৱ ঝুড়ী, হে মোৱ প্ৰিয়, বৰ না থামি !

বলেৱ মত ঠোকৱ দিয়ে

যদি তুমি চলে গিয়ে

কাদাও আমায়, তোমাৰ পিছু নেব যে আমি ॥

রাম। আঃ জালালে দেখছি। তোমার ঝুঁড়ি নিষ্ঠে বিদায়  
হও বাবা।

নলিনী। বিদায়—

এখনও হয়নি নিশি ভোর,  
এখনি বিদায় কোরো না ঘোরে মিনতি ঘোর—

প্রিয়ে, তোমার লাগি কত নিশি কাটিয়েছি  
জেগে।

রাম। ভদ্রতা জ্ঞান না। এমেই তো দাঢ়িতে হাত  
দিলে। এখন আবার প্রিয়ে, প্রিয়ে। প্রিয়ে  
আবার কিসের ?

নলিনী। আপনি অভিমান করছেন আমার এই প্রিয়ে  
সম্মোধনে। বিশ্বজগৎকে করেছি আমি আমার  
প্রিয়া। এ প্রেম বাধা মানে না, যাকে পায়  
তাকেই ধরে আঁকড়ে।

রাম। পাগল ! তোমায় তো তবে রঁচাইর হাসপাতালে  
রাখা উচিত।

নলিনী। হাসপাতালের কথা বলবেন না। প্রেমের কথা  
বলুন।

কত নিশি জাগি বঁধু তোমারই লাগি।  
গেছে কত দিন তব দুরশ মাগি'॥

তুমি হেদোয় নাহি এসে  
গিছলে চলে' কোথা ভেসে

আজ, এলে যদি বল তবে কেন বিরাগী  
জানো নাকি আমি তব কত অনুরাগী—  
রাম।      আর অনুরাগ জানিয়ে কাজ নেই বাপু, তুমি এখান  
থেকে নড়বে কিনা বল ?

নলিনী।      মোর অনুরাগে আপনি বিরাগ জানাচ্ছেন কেন ?  
আমার এ বুকভরা ভালবাসা তবে কি বৃথায় থাবে ?  
ওহো হো—

রাম।      আ মোলো, আবার কাঁদে যে।      মুক্তিল দেখছি।  
ওহে কাঁদ কেন ?      তোমার পায়ে ধরছি বাবা,  
উঠে পড়—

নলিনী।      আঁধি-জল নহে প্রিয়—এ আনন্দ-বাবি।  
চরণ ধরেছ মোর, আর কি থাকতে পাবি॥  
তোমার তরে পরাণ দেবো  
আর তো ছেড়ে থাকবো নাকো

সাথে সাথে বাব আজি ষেখা তব বাড়ী।

রাম।      বাড়ী থাবে !      না, বড় বাড়ালে দেখছি !      আজ  
একটু বিশ্রাম আৱ, হ'ল না।      কে জানে কাৱ  
মুখ দেখে' উঠেছিলুম সকালে।      এত তাড়াতাড়ি  
বাড়ী গিৰেও লাভ নেই।      গিন্বীৰ মুখ ঝামটা  
আৱ ছেলেদেৱ চঁয়া তঁয়া !      মুখ ফিরিয়ে বসি !

( তথাকরণ )

নলিনী।      মুখ ফিরিয়ে বসলেন,      অভিমান কৰলেন ?  
আহা-হা হা—

প্ৰিয়ে ক'ৰোনা অভিমান  
 তোমাৰ লাগি দিতে পাৱি ধন আৰু বান—  
 রাম।      ভাই দাও, প্ৰাণটাই দাও, মৱ, মৱ।    এত শোক  
                 গাড়ী চাপা পড়ে—  
 নলিনী।    একবাৰ বলেন তো নতুন স্বৰে ভাসিয়ে দিই  
                 গানেৱ তৱী পাল তুলে' ?  
 রাম।        আৱ ভাসিয়ে কাজ নেই, পাল চাপা দাও।  
 নলিনী।

এত মধুৰ তবু এত নিটুৰ  
 মাথায় পড়েছে টাক আমাৰ বধুৰ—  
 রাম।    অসহ !    তুমি না যাও আমিহ চলুম—  
 [ উঠে যাচ্ছেন, এমন সময় নলিনী জামা ধৰে ফেলে ]

নলিনী।    দিল টুটিয়ে, গুল ফুটিয়ে, চলে যাবে জান আমাৰ।  
 বাগ শুকালে, চলে গেলে, বুলবুলি আসে না আৱ।  
 আপনি বাবেন কেন, আমিহ যাচ্ছি।    বিৱৰণ  
 কৱলুম—ক্ষমা কৱবেন।    আৱ এই অধীনকে  
 সুবিধা মত স্মৰণ কৱবেন।    ধৰ্মবাদ।

[ নলিনীৰ প্ৰশ্নান। ]

রাম।        পাগল, পাগল, বদ্ধ পাগল।

[ গান গাহিতে গাহিতে একজন ভিখাৱীৰ প্ৰবেশ ]

অন্ধ হইয়া ভাই, কতই কষ্ট পাই  
 কি আৱ জানাৰ, জানেন ভগবান।

বাবা, কিছু ভিক্ষে পাই বাবা—

[ রামবাবু পকেটে হাত দিয়েই চমকে উঠলেন ]

রাম। আঝা, ব্যাগ নেই যে। হায়, হায়, আজই বোনাসের  
সেই ব্যাটা টাকাগুলো পেয়েছিলাম। নিশ্চয়ই  
গাইয়ের কাজ। দেখি যদি খুঁজে বাবু করতে  
পারি—উঃ, সর্বনাশ হয়ে গেল।

[ দ্রুত অস্থান।

## দ্বিতীয় দৃশ্য

স্থান—ইডেন গার্ডেন

[ বেঞ্চের ওপর প্রেমময় এসে বসল। নেপথ্যের  
দিকে তার দৃষ্টি। দৃষ্টি উজ্জ্বল হলো। ফ্লোরা  
দাশগুপ্ত প্রবেশ করলো একটু পরেই। একে-  
বাবে হাল ফ্যাশানের হাতকাটা ব্লাউস, জর্জেট  
সাড়ী, পায়ে জরীর ট্রাপ স্টাঙ্গেল, হাতে রিস্টওয়াচ,  
ভ্যানিটি ব্যাগ। প্রেমময়ের বেঞ্চের কাছে রুমাল  
ফেলে দিলে। ]

প্রেমময়। ( রুমালটা তুলে ) আপনার রুমাল—

ফ্লোরা। ( নিয়ে ) ধন্তবাদ। প্রথম দিনের আলাপেও  
আপনি রুমাল তুলে দিয়েছিলেন।

- প্রেম। মনে করিব্বে লজ্জা দেবেন না । দিতে পেরেছিলুম  
বলে আপনাকে ধন্দবাদ জানাচ্ছি । আমার জীবন  
সত্য হ'ল সফল, আমি কৃতার্থ ।
- ফ্রোরা। (হেসে) আপনি কি বিনয়ী । কবিবাই এমন  
বিনয়ী হয় । নিশ্চয়ই আপনি কবি । (বসে)  
হাতে কি গুটা কবিতার খাতা ?
- প্রেম। (পেটে ক্ষিধে মুখে লাজ হাসি হেসে) হ্য়—কিন্তু  
নেহাং অযোগা—
- ফ্রোরা। দু' একটি শোনান না ।
- প্রেম। শুনবেন ? কিন্তু—আমি—
- ফ্রোরা। বেশ,—আপনি থাকে শোনাবেন না ।
- প্রেম। আপনি ! আপনি যে শুনতে চেয়েছেন, এ আমার  
পরম সৌভাগ্য । (পাতা ওল্টাতে ওল্টাতে)  
শুনুন, এটা নদা তৌরের বর্ণনা—  
পশ্চিম আকাশ গেছে ফাগেতে রাঙিয়া  
নৌল নদা হয়ে গেছে লাল ।  
মৃদুল মধুর বহে বসন্তের হাওয়া  
ভেসে ঘাস তরী তুলে পাল ॥  
কে তুমি বিজন ঘাঠে ?  
আমার সময় কাটে  
বিভাস্ত বিজনে ।  
হে রূপসী দয়াময়ী  
যে ঘাতনা মর্মে বহি  
রহি রহি, তারে সঙ্গেপনে ॥

চকিত পরশ দানি  
 অনন্ত হরষ হানি  
 করো রাণি, উদগ্র উতাল ।  
 পশ্চিম আকাশ ষবে  
 ফাঞ্জনের ফাগোৎসবে  
 নীল থেকে হয়ে গেছে লাল ॥  
 চাও ওগো ফিরে চাও  
 ডটি কথা কয়ে যাও—

তারপর ঠিক মেলাতে পারছি না । এটা মানস  
 সুন্দরীকে লক্ষ্য করে লিখেছিলুম । বলতে বাধে,  
 আপনাকে প্রথম ষেদিন দেখি সেইদিনই এ হেন  
 প্রেরণা পেয়েছিলুম । আজ আবার দেখা মিলেছে—  
 শেষ চরণ শ্রীচরণে পড়বে লুটিয়ে । ( একটু খেমে )  
 আজ আপনাকে দেখে কবিতাটি আবার মনে  
 পড়ল । মনে হচ্ছে মৃত হয়েছে যেন, মানস  
 প্রতিমা মম, এ কঠিন ধৱণীর বুকে ।  
 কুরা । কি যে বলেন, যান ।  
 প্রম । আপনি একটা কিছু সাজেক্ষ করুন না ।  
 কুরা । আচ্ছা, শেষ লাইনটা এ রকম হলে কেমন হব ?  
 প্রম । কি রকম বলুন । জয়দেবের কলি পূর্ণ করেছিলেন  
 স্বরং শ্রী ভগবান् আর আমার কলি আজ পূর্ণ  
 করবেন আপনি । এ সৌভাগ্য আমি কখন  
 ..... কর্মনাক্ষে করতে পারিনি । ..

ক্লোরা । ধরন যদি লেখা হব—

“ওগো মোর মৃত সঞ্জীবনী”

প্রেম মধু, মধু, চমৎকার হয়েছে। (হঠাৎ থেমে গিয়ে, একটু চিন্তা করে) কিন্তু ‘লালের’ সঙ্গে তো মিলশো না। লালের সঙ্গে চাল, ডাল, গাল, শাল মেলে, সঞ্জীবনী তো মিলছে না।…… তা না মিলুক। এটা আধুনিক কবিতা হ’ল। মাঝে অমিল রাখা কৃতিত্বের পরিচয়। ‘ওগো মোর মৃত সঞ্জীবনী।’ আপনার চরণে ইচ্ছে করছে ডালি দিতে আমাৰ এত দিনকাৰ সব সাধনা—

তোহার,                  এলো চুলেৱ গন্ধ  
                                       মনে জাগায় ছন্দ  
                                       যা কিছু ছিল বন্ধ,  
                                       মুক্ত হইল আকাশে।

আমাৰ,                  গোপন কথাৱ মালা  
                                       গাঁথিয়া স্বহাতে বালা  
                                       সাজায়ে বৱণ ডালা  
                                       ভাসিব ভাবেৱ বাতাসে।

ক্লোরা । আপনি শুধু কবি নন, প্ৰেমিকও।

প্রেম ! ভালবাসা ! জীবনে শুধু চাই আমি প্ৰেম বিতৰণ কৰতে। প্ৰেম তো ঘৰে রাখিবাৰ জিনিষ নয়, এ যে আলোৱ মত চাৰিদিকে ছড়িয়ে পড়ে। আমি ভালবাসি আকাশ, বাতাস, জল,

পৃথিবীর সব—কিন্তু উত্তল প্রাণ, বসন্তের শিহরণে,  
বরষার বিরহ ধারায়, শরতের সবুজ আভায়, চায়  
নিজেকে বিলিয়ে দিতে তারি পারে, যারে মনে  
মনে শুধু ক'রে এসেছি পূজা, কিন্তু পাইনি কভু  
দেখা। আজ জগত উঠল হেসে, বাতাস গাইল  
গান, হৃদয় উঠল দুলে, মলয় গোপনে বলে—‘মে ষে  
এসেছে, মে যে এসেছে।’ আপনার আগমন  
প্রাণের মধ্যে এনেছে নতুন টেউ।

ফ্লোরা। আপনার কবিতা অসাধারণ। আপনার সাহচর্যে  
আজ মনে হচ্ছে আমি যেন নতুন জীবন পেরেছি।

প্রেম। ( তন্ময় হয়ে ) পাবে, পাবে। আরো পাবে।  
( খাতা খুলে কবিতা পাঠ )

ক্ষুধিত বাঘের মত তোমাকে পাবার  
একটা হিংস্র বাসনা আমার মনে।  
রক্তে বাজে শুধু তোমার স্বর।  
তুমি যেখানেই যাও  
আমার চোথের দৃষ্টি  
অস্তর্যামীর দৃষ্টির মত মেখানে গিয়ে পড়ে।  
জীবনে নেমেছে সবুজ উদ্বাম বসন্ত।  
মনের মধ্যে উকি মারে কামনার  
কালকুট সাপ।

বিষে ভরা অথচ মথমলের মত নরম ও মশ্বন।  
আমার আবেশ-স্থিতি চোখে

তোমার আবির্ভাব হ'ল,  
 স্বপ্নের মত চোখ, নিটোল শুভ বুক  
 গোলাপের পাপড়ির মত রাঙা টেঁট,  
 গাল ছুটি পাকা চেরীর মত টকটকে লাল।  
 তোমার অধরের পরশ আমাকে পুড়িয়ে দেবে !  
 মিলনের মধ্যেও থাকবে অশাস্তি—  
 আলিঙ্গনে সহস্র বৃশিক জালা !

- ফ্রোরা।      চমৎকার !
- প্রেম।      আপনার নাম জানতে পারি কি ?    পূর্বের চকিত  
                        আলাপে নামটা জানা হয় নি।
- ফ্রোরা।      আমার নাম ফ্রোরা দাশগুপ্ত।    আপনার ?
- প্রেম।      আমার নাম প্রেমগ্নয় হালদার।
- ফ্রোরা।      প্রেমগ্নয়।    চমৎকার কবিত্ব-মাখা নামটি তো !
- প্রেম।      আপনাকে দেখে আমার মনের দ্বার ঘেন উন্মুক্ত  
                        হয়ে গেল।    আপনার উদ্দেশ্যে কাল কয়েকটা  
                        কবিতা লিখে আনব।    আপনি কি কাল  
                        আসবেন ?
- ফ্রোরা।      আপনার কবিতা শুনতে আসব কি না তা  
                        আবার জিজ্ঞাসা করছেন ?
- প্রেম।      আমি ই স্বীকৃ।    বুঝি এ আনন্দ আমি সহিতে পারব  
                        না।    প্যালিটেশন,—হার্টফেল করবে।    ( ফ্রোরার  
                        হাত ধরে' বুকের ওপর রেখে ) দেখুন, কি উত্তল,  
                        কি চঞ্চল হয়ে উঠেছে মোর প্রাণ।

ফ্লোরা । ( হেসে হাত ছাড়িয়ে ) আপনি কোথায় থাকেন ?  
আমাদের এখানে একদিন আসবেন কি ? আমরা  
থাকি পি ৮৫৬ সাদান' এভিনিউতে ! গাড়ী ক'রে  
বিকেলে প্রায়ই এদিকে বেড়াতে আসি ।

প্রেম । আমি থাকি ২৭৪নং চুনাপুরুরে । আপনার কি  
যাবার সময় হয়ে গেল ?

ফ্লোরা । হ্যাঁ, আজ এখনি উঠতে হবে ।

প্রেম । কালকের কথা মনে রাখবেন, ভুলবেন না ।

ফ্লোরা । আপনিও যেন ভুলবেন না ।

প্রেম । ঠিক আসবেন তো ?

ফ্লোরা । নিশ্চয়ই আসব । অ-রিভোয়া ।

প্রেম । বিদায় ।

[ ফ্লোরা চলে গেল । প্রেমময় দীর্ঘনিঃশ্঵াস ফেলে  
সেদিকে হ্যাঁ করে দাঁড়িয়ে আছে, এমন সময় তার  
এক বন্ধু এল । ]

বন্ধু । কিছে ! আজকাল লেক ছেড়ে ইডেন গার্ডেন  
ধরেছে নাকি ? বলি মেয়েটি কে হ্যাঁ ?

প্রেম । আমার, এই কি বলে—কজিন ।

বন্ধু । ( হেসে ) দৌ সেম ওল্ড কজিন ।

প্রেম । ভদ্রমহিলার সম্বন্ধে ঠাট্টা আমি পছন্দ করি না ।

বন্ধু । কি ব্রকম কজিন ? হৃদতৃতো নাকি ?

প্রেম। তোমার মন বড় নৌচ। ফ্রেঞ্চিপ বোরো না।  
প্রত্যেক জিনিষের কদর্থ করবে। আমি চললুম।

[ প্রেমমঘের প্রস্থান। ]

বঙ্গ। ওহে শোনই না। চট কেন?  
[ পিছনে পিছনে প্রস্থান। ]

### তৃতীয় দৃশ্য

স্থান—পি ৮৫৬ সাদার্ন এভিনিউ

[ অধ্যাপক শৈলেন্দ্রনাথ দাশগুপ্ত পাঠে রত। ]

দাশগুপ্ত। যদি টাইম আর স্পেসের এর মধ্যে কোন রিলেশন  
থাকে তবে রিলেটিভিটি সেটাকে সল্ভ করতে  
পারে। আইনষ্টাইনের মতে—

[ তামাক নিয়ে চাকরের প্রবেশ ]

দাশগুপ্ত। কিন্তু হ্যামিল্টন সাহেব বলেন—

চাকর। হজুর তামাক এনেছি।

দাশগুপ্ত। ( বইয়ের দিকে চেয়ে ) চেয়ারে বসতে বল—

চাকর। আজ্ঞে তামাক এনেছি।

দাশগুপ্ত। তাকে বল আমি এখন ব্যস্ত, বিকেলে আসতে।

হ্যামিল্টনের কোর্থ ডাইমেনশন...ওরে গুপি,  
তামাক নিয়ে আয়—

চাকর। আজ্জে তামাক এনেছি।

দাশগুপ্ত। এতক্ষণ বলিস নি কেন?

চাকর। বলছিলুম তো—

দাশগুপ্ত। আচ্ছা রাখ।

[ টেবিলের ওপর রেখে ভৃত্যের প্রস্থান।

[ তিনি তামাক খেতে লাগলেন ]

দাশগুপ্ত। ( হঠাৎ সামনে একটা কার্ড দেখে ) ওঃ ! আজকে  
একটা মিটিং আছে। তাই তো। ওরে কে  
আছিস ?

[ প্রভাৱ প্ৰবেশ ]

প্রভা। কি বলছ, অমন চেঁচাছ কেন ?

দাশগুপ্ত। ( একটা বই দেখতে দেখতে ) ওৱে গুপী, আমাৰ  
লাঠিটা নিয়ে আয়—

প্রভা। গুপী কোথা থেকে এল ?

দাশগুপ্ত। ওঃ তুমি ! দেখ, এখুনি আমায় একটা মিটিং এ  
যেতে হবে।

প্রভা। কোথায় দেখি। ( কার্ড দেখে ) এতো কাল  
হয়ে গেছে।

দাশগুপ্ত। হয়ে গেছে ? ( কার্ড ভাল কৱে দেখে ) তাই ত,  
হয়েই ত গেছে ? তাৰপৱ বুঝলে গিলী, টাইম  
লিমিট কনসিডাৰ কৱে কনষ্ট্যাণ্ট গুলোকে—

প্রভা। থাওয়া-দাওয়া হবে না আজ ? রাত তো নটা

বাজে । সেই বিকেলে বেবী গাড়ী নিরে বেড়াতে  
গেছে, এখনও তো ফিরল না । মেয়েটা দিন দিন  
ধিঙ্গি হয়ে উঠছে । বিয়ের একটা চেষ্টা দেখ,  
বয়সও তো হচ্ছে ।

দাশগুপ্ত । বয়স হ'ল রিলেটিভ টাম' । টাইমের ইউনিট—  
প্রভা । রেখে দাও তোমার ইউনিট । বলি বিয়ের কি  
করছ ?

দাশগুপ্ত । কার বিয়ের ?

প্রভা । সাত কাঞ্চ রামায়ণ শুনে সৌতা কার বাপ !  
এতক্ষণ কি কাণে তুলো গুঁজেছিলে ? বেবীর  
বিয়ে, বেবীর, শুনতে পেয়েছে ?

দাশগুপ্ত । বেবীর বিয়ে হয়েছে ? কাদের বেবীর ?

প্রভা । ( মাথা নেড়ে দিয়ে ) মুক্ষিলে পড়া গেছে । তোমার  
মেঝে বেবী অর্থাৎ ফ্রেরা দাশগুপ্তের বিয়ের কি  
করছ ? বয়স তো বেড়েই চলেছে, লেখাপড়া শিখে  
আমাকে তো আর গ্রাহণ করে না, তুমি একটা  
কিছু বন্দোবস্ত এবার কর—

দাশগুপ্ত । বেশ, আজই কার্ড ছাপাতে দিচ্ছি । ওরে  
দরোয়ান—

প্রভা । কার্ড কিসের ?

দাশগুপ্ত । কেন, বিয়ের ! এই ষে তুমি বললে—

প্রভা । পাত্র ঠিক হয়েছে ?

দাশগুপ্ত । ভাগিয়ে তুমি মনে করিয়ে দিলে গিন্বী, পাত্র ঠিক

করতে হবে যে। দেখ, রামসদয় বাবুকে চেন? এ সব ব্যাপার তিনি সবচেয়ে ভাল বাঁধেন। আমি আজই তাঁর সঙ্গে দেখা করব।

প্রভা। আজ আর করতে হবে না, কাল কোরো!

দাশগুপ্ত। বেশ তবে কালই করব, কি বল?

প্রভা। হ্যাঁ, ভুলো না যেন! আর আজ বেবী ফিরলে একটু শাসন কোরো!

দাশগুপ্ত। বেশতো। কি বলে বকব?

প্রভা। তাও বলে দিতে হবে। অধ্যাপক হলেই কি তার বুদ্ধি বিবেচনা বইয়ের মধ্যে আটক পড়ে যায়। চোখের সামনে পৃথিবীতে কি হচ্ছে আর জানতে পারে না। সাধে কি সাত বছর মাস্টারী করলে আদালতে সাক্ষী দিতে দেয় না।

[ রেগে প্রস্থান। ]

দাশগুপ্ত। তাইত, তাহলে বেবীর একটা বিয়ে দিতে হচ্ছে। কিন্তু বয়স আর কতই বা হবে? বোধ হয় কুড়ি, ছাই এ বেবী! রামসদয়কে বল্লেই একটা পাত্র জুটিয়ে দিতে পারবে—

[ ফোরার প্রবেশ ]

ফোরা। পাঞ্চা ডিম্বার, একলা বসে কি করছ?

দাশগুপ্ত। তোমার বিয়ের কথা ভাবছি! তোমার মা

- বল্ছিলেন, এবার তোমার বিয়ে না দিলে চলছে না। আজকাল তোমার পড়াশুনা কেমন হচ্ছে ?  
ফ্রোরা। খুব ভাল ! বাঙ্গলায় একটু কাঁচা আমি চিরকাল।  
মনে করছি একজন টিউটাৱ রাখব। তুমি  
কি বল ?
- দাশগুপ্ত বেশ তো, তোমার যদি উপকাৱ হয় রাখ।  
ফ্রোরা। আমি একজনকে চিনি। তিনি কবি। বাঙ্গলা  
ভাষাৱ অন্তুত মখল আছে। তুমি যদি মত দাও  
তাহলে তাঁকেই বলি।
- দাশগুপ্ত। আচ্ছা, সেই ভাল। হ্যাঁ, আজ কোথাৱ বেড়াতে  
গিয়েছিলে ?
- ফ্রোরা। ইডেন গার্ডেনে।
- দাশগুপ্ত। এত দেৱী হল যে ? রাত ক'টা ?
- ফ্রোরা। ( রিষ্ট ওয়াচ দেখে ) এই সবে ন'টা...ৱাস্তাৱ কি  
একটা খেলার জন্মে বড় ভৌড় হয়েছিল, তাই  
মোটৱ আসতে পাৱেনি, আটকে ছিল।
- দাশগুপ্ত চল মা আৱ রাত্ৰি কৰোনা, তোমাৱ মা হয়তো  
খাৰাৱ নিয়ে বসে আছেন।

[ দাশগুপ্তেৰ প্ৰস্থান। ]

- ফ্রোরা। খেলা শেষ হয় সাতটা আৱ এখন ন'টা। বাবা  
কিন্তু এসব কথা কিছু বোঝেন না। অধ্যাপক  
বাপ হলে ফ্লাট কৱে বেড়াবাৱ ভাৱী সুবিধে হয়।

[ প্ৰস্থান। ]

## চতুর্থ দৃশ্য

স্থান—রামসদয় বাবুর বাস।

[ প্রেমমন্ত ও প্রশাস্ত চা খাচ্ছে আর গল্ল করছে ]

প্রশাস্ত । তারপর প্রেম, তোমার নতুন কবিতার বই কবে  
বোরোচ্ছে ?

প্রেম । শিগ গিরই । নাম দিয়েছি 'ইরাটো ও ফ্লোরা' ।

প্রশাস্ত । চমৎকাৰ নামটী । আধুনিক কবিদেৱ মধ্যে তুমি  
একটা বিশেষ স্থান অধিকাৰ কৰেছ ।

প্রেম । আমাৰ সেই কবিতাটা “কচি ঠোটে রঙ লাগায়ে”  
কাগজওয়ালাৰা ফেৱত দিয়েছে । সেই ঘটীৰ  
তুমি খুব সুখ্যাতি কৰেছিলে—( একটু ধেমে )  
মাসিক পত্ৰিকাদেৱ সম্পাদকেৱা কিছু বোঝে না ।  
আমাদেৱ কবিতাৰ ডেপথ মাপতে পাৱে না । তাই  
মনে কৰছি আমি একটা নতুন কবিতাৰ পত্ৰিকা  
বাৰ কৰব ।

প্রশাস্ত । দি আইডিয়া । একটা আধুনিক পত্ৰিকা আমাদেৱ  
দৱকাৰ । তারপৰ প্রেম, ( কানেৱ কাছে মুখ  
নিয়ে ) তোমাৰ প্রেম কেমন চলছে ?

প্রেম । ( হঠাৎ স্তন্তি ষৌন্টায় আচম্ভ হলো ।  
খানিকবাদে আৰুত্বি শুৱ কৱলো )

হে প্রেয়সী রঞ্জময়ী  
 সঙ্গ দাও, হে কৃপসী ক্লোরা,  
 হের হের আনিয়াছি  
 রাশি রাশি কুস্মের তোড়।  
 জীবন সার্থক করো  
 দয়া করে বুকে ধরো  
 অধরে জাগা ও তৃণ  
 পুলকের পবিত্র অমর।

## [ রামসদয় বাবুর প্রবেশ ]

- রাম।      প্রেমু, আচ্ছা থাক—  
 [ প্রশ্নস্ত উঠে দাঢ়াল।    রামসদয় বাবু চলে গেলেন। ]
- প্রশ্নস্ত।    আমি তাহলে এবার যাই।
- প্রেম।      এখুনি ?
- প্রশ্নস্ত।    তোমার বাবা হয়তো তোমার সঙ্গে কথা বলতে  
 চান।
- প্রেম।      সে পরে হবে।    বস, বস।
- প্রশ্নস্ত।    না না ভাই, আসি।
- প্রেম।      আচ্ছা, এস, কাল কিন্তু এন্টু সকাল সকাল  
 আসা চাই।
- [ প্রশ্নস্তের প্রস্থান। ]
- প্রেম।      বাবার একটা সময়ের জ্ঞান নেই।    এখন আসবাৰ  
 দৱকাৱটা কি ছিল।

[ কবিতাটি আবৃত্তি করছে এমন সময়  
রামসদয় বাবু চুকলেন ]

- রাম। কি হচ্ছে ?
- প্রেম। ( নিরুত্তর )
- রাম। ফ্লোরা কোথেকে এল ?
- প্রেম। ( নিরুত্তর )
- রাম। পরীক্ষায় ফেল হয়ে সবাই সামনে নিজের মুখ হেঁট  
করছ, তবু লজ্জা নেই !
- প্রেম। ( একটু থেমে, চমকে উঠে সম্মোহিতের মত )  
পরীক্ষা ? সে মুগ আর নাই পিতা । বিশ্ববিদ্যা-  
লয়ের পরীক্ষা, এর কিবা মূল্য আছে । রবীন্দ্রনাথ,  
বিশ্বসত্ত্বার কবি, বিশ্বের বরেণ্য, বিশ্ববিদ্যালয়ের  
ত্যজ্য পুত্র । আমি তাঁরই পদাঙ্ক অনুসরণ করব ।  
( একটু থেমে পুনরায় পূর্বের স্থানে ) ব্যথা,  
ব্যথা, আমার প্রাণের ব্যথা কেহ বুঝিবে না ।  
ষে প্রাণ হয়েছে উত্তল, তারে কি বাঁধা যাব পিতঃ  
পরীক্ষা শিকলে ?
- রাম। ( স্তুতি হয়ে রইলেন । অনেকক্ষণ পরে ) মন দিয়ে  
পড়াশুনা না কর তো চাকুরীর চেষ্টা দেখ । হা  
ভগবান ।
- প্রেম। ব্রথা তিরস্কার । মনে ঘথন লেগেছে বসন্তের  
পরশ, হাওয়ার হিল্লোলে যবে নেচে ওঠে প্রাণ,  
কুটকথা তারে শাস্তি নাহি করে, ক'রে দেয় আরও

চঞ্চল। বাবা আমি ট্যুইশন পেয়েছি, আজ বিকাল  
থেকে পড়াতে ঘাব। মাহিনা মাসে পঞ্চাশ টাকা।

রাম। ট্যুইশন করিব তুই ?

প্রেম। পিতা, বলেছি তো বিশ্ববিদ্যালয়ের পরীক্ষাই একমাত্র  
পরীক্ষা নয়। (উদাসকণ্ঠে) সেখা আদৰ পাইনি  
বলে' কি আর কোথাও পাবনা আদৰ। সবাই  
যদি ছাড়ে ছাড়ুক সে আমারে ছাড়বে না। জগৎ  
যদি কাঁকি দেয়, সে ধরবে মোরে আরও নিবিড়  
করে—

রাম। কি বলছিস্ কে ধরবে ? নাঃ, মাথা খারাপ  
হয়েছে—

প্রেম। (উদাসকণ্ঠে) হে পথশ্রেষ্ঠ সাদৰ্ণ এভিনিউ  
পবিত্র পবিত্র তোমার বুক  
পুস্তিত কোঘল তোমার বুক  
স্মৃথ আমাৰ তোমার মধ্যে  
কেন না  
তোমার বুকে তাৱ বাড়ৈ  
যে আমারে দিতে চায় প্ৰেমেৰ রেভিনিউ !

রাম। এ আবাৰ কি বকছে ! এক ছেলে, মাথা খারাপ  
হ'ল নাকি ? একবাৰ কবিৱাজেৰ ওথানে নিয়ে  
ঘাট। প্ৰেমু, চল আমাৰ সঙ্গে—

প্রেম। (উদাসকণ্ঠে) ভোৱ থেকে প্ৰাণ মোৱ হয়েছে চঞ্চল  
সাঁঝে তাৱ দেখা পাৰ বলে'।

লুটাবে ভুঁঝেতে তাৰ সবুজ অঞ্চল  
আমি তাহা মেৰ বুকে কোলে ।  
মেৰো কোলে, মেৰো কোলে তুলি  
নিখিল যাতনা যাবো ভুলি  
ভাৰাবেগে প্ৰেমাবেগে হুলি  
ষাৰ আমি অমৱায় চলে !

রাম।      বিকাৰ।      তুল বকছে।      জৱ, না মাথায় রাঙ্গ  
চড়ে গেছে?      কে জানে কি হল?      প্ৰেমু, চল বাবা  
একবাৰ আমাৰ সঙ্গে ।

[ তুলে দাঢ় কৱালেন ]

প্ৰেম।      ( দাঢ়িৱে )      দেখবো শুধু মুখেৰ পৰে  
পুলকে প্ৰাণ উঠবে ভৱে ।

রাম।      ভয়ে যে প্ৰাণ গেল উড়ে।      ওৱে কে আছিম—  
হায় কি হলো রে।      চল বাবা চল—

প্ৰেম।      কোথা যাৰ?      কোথা পথ  
কোথায় তোমাৰ রথ—

[ প্ৰেমমন্দকে টানতে টানতে রামসদয় বাবুৰ প্ৰশ্নান ।

## পঞ্চম দৃশ্য

স্থান—কবিরাজের বাড়ী

[ ভজহরি কবিরাজ তত্ত্বাপোষের উপর তাকিয়া  
ঠেসান দিয়ে ব'সে ব'সে তামাক খাচ্ছেন। ছেলে  
কোলে একজন লোকের প্রবেশ। ]

- কবিরাজ। কি হে কি চাও ?
- লোক। আজ্ঞে, তিন দিন ধরে জুর—  
কবি। এগিয়ে এস, জিভ দেখি।
- লোক। ( তথাকরণ ) আমার এই—  
কবি। হাতটা এগিয়ে দাও। ( নাড়ো দেখতে দেখতে )  
মল পরিষ্কার হয় ?
- লোক। আজ্ঞে হ্যাঁ। ছোট—  
কবি। পেট দেখি। ( পেট ঠুকে ) বায়ু বুদ্ধি। মাথা  
ঘোরে ?
- লোক। আজ্ঞে, না। আমার তো কিছু—  
কবি। বাজে ব'কো না। রাতে ঘুম হয়—  
লোক। হয়।
- কবি। যখন ঘুমোও তখন চোখ বুজে যায় কি ?
- লোক। তা আমি দেখতে পাই না।
- কবি। হঁ, অন্তমনস্ক ভাব। ওরে হরিচরণ, বাবা আমার

নাড়ীজ্ঞানটা নিয়ে আয় তো । তারপর কোন  
নাক দিয়ে নিঃশ্বাস পড়ে ?

লোক । ঠিক বুঝতে পারি না ।

কবি । হঁ শ্লেষ্মা । তোমার সাংঘাতিক অস্থথ ।

[ হরিচরণ একটা বই নিয়ে এল ]

লোক । আজ্ঞে, আমার তো অস্থথ করেনি ।

কবি । করেনি মানে ? আমার চেয়ে তুমি বেশী জ্ঞান ? ( বই  
দেখে ) ওরে হরিচরণ, দে বাবা সালফার থাটি,  
নাস্ত্র ভূমিকা, ক্যালিফস আর ফাইটে লক্ষা, এই  
চারটে মিশিয়ে । খুব সাধারণে থাকবে । রাতে  
চোখ বুজে যুমোবে । ডান নাক দিয়ে নিঃশ্বাস  
ফেলবে । এই ওষুধ দিনে তিনবার আর রাতে  
তিনবার এক ফোটা ক'রে থাবে । পান সিগারেট  
থাবে না ।

[ হরিচরণের প্রস্তান । ]

লোক । অস্থথ তো আমার নয়, আমার এই ছেলের ।

কবি । এ ওষুধই চলবে ।

লোক । কে থাবে ওষুধ ?

কবি । কেন ? তুমি থাবে ।

লোক । কিন্তু, অস্থথ তো আমার ছেলের ।

কবি । বাজে বক কেন ? তুমি চিকিৎসার কি বোৰ ?  
জান ছেলের অস্থথ করলে মাকে ডাক্তারৰা ওষুধ  
দেন ।

লোক। আজ্ঞে হ্যাঁ, খুব ছোট ছেলেদের, যাৱা মাৰ দুধ  
খাব। কিন্তু আমাৰ ছেলেৰ বেলাবৰ—  
কবি। এই নিয়মই খাটবে। যাও, খুব সাৰ্বধানে থাকবে।  
আমাকে শেখাতে এসেছ ? জান, আমি কবিৱাজ  
হয়েও হোমিও-প্যাথিক প্রাকটিস কৰি।

[ হরিচৰণ ওযুধ এনে দিল। ওযুধ নিৱে  
ছেলে সহ মোকটিৰ প্ৰস্থান। ]

কবিৱাজ সবলোচন বলছিল সহৰে বড় বেৱৌবেৱৌ হচ্ছে।  
শুনে অবধি মনটা কেমন ভয় ভয় কৱছে।  
( নিজেৰ পা দেখে ) আঁঝা, ফুলেছে নাকি ? ডাইট।  
ওৱে, ও বাবা হরিচৰণ, একবাৰ দেখতো—

হরিচৰণ। আইজে—

কবি। পা টা একবাৰ দেখতো, ফুলো ফুলো মনে  
হচ্ছে না।

হরি। ( একটা লাঠি নিয়ে লম্বালম্বি ভাবে মেপে ) আইজে  
সমান আইছে।

কবি আৱে তা জিজ্ঞেস কৱছি না। বলছি একটা পা  
কি আৱ একটাৰ চেয়ে মোটা মনে হচ্ছে ?

হরি। আইজে তা আইছে। ডান পাড়াৰ বাতিৰে ত্যাগ  
মাখাইছি কিনা, সেই জন্তে—

কবি। ব্যাথাও হয়েছে—

হরি। তা অইবেই তো, মালিস কৱছিলাম ষে।

[ গলায় মাফলার জড়ান একজন কুগীর প্রবেশ ]

- কুগী।      কবিরাজ মশাই, গলার ঘন্টনায়—
- কবি।      এগিয়ে এস। ( নাড়ী দেখে ) হঁ, জুম হয়েছে।  
জিভ দেখি, ( কুগী জিভ বার করল ) মল  
অপরিক্ষার। হরিচরণ, বাবা একটু লাইকোপোডি-  
য়াম দিয়ে দাও।
- কুগী।      আমার গলায় ব্যথা—
- কবি।      দেখি, খোল তো কষ্টরটা। এ ষে বেরৌবেরৌ।  
বেরৌবেরৌ কি মশাই? কাল রাত্রে ঠাণ্ডা লেগে  
সকালে উঠে দেখি গলা ব্যথা করছে, আপনি  
বলছেন বেরৌবেরৌ।
- কবি।      তুমি এ সবের কি বোঝ। বেরৌবেরৌ, এর  
চৌদপুরুষ বেরৌবেরৌ।
- কুগী।      কিন্তু বেরৌবেরৌতে পা ফোলে—
- কবি।      ফোলা নিয়ে কথা। কারো পা ফোলে, তোমার  
গলা ফুলেছে। ওরে, আলমারৌ খুলে হ্যামেলিস  
ভার্জিনাইকা নিয়ে আয়।
- কুগী।      সেটা আবার কি?
- কবি।      ওষুধ। বড় ঝোগে বড় ওষুধ, বুঝেছ? তোমার  
অসুস্থ তো আর মিনকোনা বা ত্রায়োনিয়ায় সারবে  
না, তাই হ্যামেলিস ভার্জিনাইকা দিচ্ছি।

[ হরিচরণ গিয়ে ওষুধ এনে দিল। কুগীর  
ওষুধ নিয়ে প্রস্তান। ]

কবি ।

দেখলি, বেরৌবেরৌ হয়েছে কিনা দেখলি । বেটা  
আবার তর্ক করে, ছঁ ছঁ ! আরে বাবা, এ তো  
আৱ যে মে কবিরাজ নম্ব, একেবাবে ভজহৰি  
দেবশ্রমন । কবিরাজী, হোমিওপ্যাথী, বায়োকেমী  
কিছুই তো আমার অজানা নম্ব । চালাকিটী চলছে  
না ।

[ প্ৰেমমন্দকে নিয়ে রামসদয় বাবুৰ প্ৰবেশ ]

রাম ।

কবিরাজ মশাই, দেখুন ।

কবি ।

বেরৌবেরৌ ।

রাম ।

আজ্ঞে, বেরৌবেরৌৰ কথা হচ্ছে না । আমাৰ এই  
ছেলেটিৰ ক'দিন থেকে মাথায় একটু ছিটেৰ লক্ষণ  
দেখা দিয়েছে । আপনাৰ নাম শুনেই এসেছি ।  
ষদি কিছু প্ৰতিকাৰ কৱতে পাৱেন ।

কবি ।

হঁ । এগিয়ে এস ।

প্ৰেম ।

এগিয়ে এস, সামনে বস, আজকে মধুৰ  
বিজন সঁৰো ।

তোমাৰ মুখেৰ হাসি দেখে, ফুল কৱবী মৱৰ লাজে ॥

মৱৰ লাজে মনেৰ ব্যথা,

ব্যাকুল কণেৰ বিষণ্ণতা,

সন্ধা হতে হচ্ছে দেৱি সইতে সথি পাৱছি না যে ॥

কবি

বিকাৰ । ও হৱিচৱণ, বৱক নিয়ে আয় বাবা ।

একটু পাশ কাটিয়ে ঘাস, কামড়ে নেবে ।

[ হৱিচৱণেৰ প্ৰস্থান

- କବି । ମେଥୁନ, ଆପନାର ଛେଲେର ଶକ୍ତ ଅନୁଥ । ଆମାର  
ବେଶ ବେଗ ପେତେ ହବେ ।
- ରାମ । ତାର ଜଣ୍ଠେ ଭାବବେଳ ନା, ସତ ଲାଗେ ଦେବ ।
- କବି । ନା ନା, ଲାଗାଲାଗିର କଥା ହଚେ ନା । ଓ ତୋ  
ଆମାର ପୁତ୍ରସ୍ଥାନୀୟ । ପ୍ରାଣପଣ ଚେଷ୍ଟା କରା ଆମାର  
କର୍ତ୍ତବ୍ୟ । ତାରପର ଖୋକା, ତୋମାର ମାଥା ଘୋରେ ?
- ପ୍ରେମ । ମସ୍ତକେ ଘୁରିଛେ ନିଜ୍ୟ ଚକ୍ର ସମ ତାର ଶାନ୍ତ କଥା ।  
ବାଜିଛେ ହଦୟେ ହାୟ ବିରହେର ତୌତ୍ର ବିଷଳତା ॥
- କବି । ବୁଝଛେନ । ( ଖାତାଯ ନୋଟ କରେ ) ପ୍ରଥମ, ମାଥା  
ଘୋରା, ମାନେ କାହିଲ । ଦ୍ୱିତୀୟ, ହଦୟେ ବିଷଳତା,  
କିନା ବ୍ୟଥା, ଅର୍ଥାତ୍ ପ୍ରୟାଳପିଟେଶନ ।
- ପ୍ରେମ । ଆୟିତେ ମୋର ସାରା ଜଗଃ ଉଠିଛେ ରାଙ୍ଗିଯା ।  
ଚୋଥ ଦିଯେ ଆଜ ବାରିଛେ ଶ୍ରାବଣ ଦୁରୁଲ ଭାଙ୍ଗିଯା ॥
- କବି । ( ନୋଟ କରନ୍ତେ କରନ୍ତେ ) ତୃତୀୟ, ରାଙ୍ଗା ଦେଖା, ଜଣିମ ।  
ଚତୁର୍ଥ, ଚୋଥ ଦିଯେ ଜଳ ପଡ଼ା ଅର୍ଥାତ୍ ଚୋଥ ଧାରାପ ।  
ଦେଖି, ନାଡ଼ୀ ଦେଖି । ଆପନି ଏକଟୁ ଧରବେଳ, ବାବାଜୀ  
ଯେନ ହାତ ପା ନା ଛୋଡ଼େନ । ( ରାମସଦ୍ଦମ୍ ବାବୁ  
ଧରଲେବ । ନାଡ଼ୀ ଦେଖେ ) ହଁ, ନାଡ଼ୀ ଦ୍ରତ । ଜିଭ  
ଦେଖି । ହଁ, ଶ୍ଵରବର୍ଗ ଅର୍ଥାତ୍ ପେଟେର ଅନୁଥ ।  
ପେଟ ଦେଖି । ହଁ, କେପେହେ ଅର୍ଥାତ୍ ବାୟ ବେଗ ।  
ଚୋଥ ଦେଖି । ହଁ, ରକ୍ତବର୍ଗ ଅର୍ଥାତ୍ ଅନିଜା । ନା,  
ଆଶା ନେଇ ।
- ରାମ । ଅଣ୍ୟ, ଆଶା ନେଇ । ତବେ କି—

কবি। কিন্তু ক্রটি হবে না। আমার কাছে ব্যথন এসেছেন,  
বাঁচবেই। তবে—

রাম। আপনি যা চান। এ আমার একমাত্র পুত্র।  
সাতটী মেয়ে, এ একটী ছেলে। ও গেলে আমার  
কি হবে—

কবি। উত্তলা হবেন না, রুগ্নী ঘাবড়ে যাবে। ওর  
মাথায় হয়েছে মেঘদৃত, বুকে হয়েছে সাহারা, চোখে  
রামধনু, নাড়ী চঞ্চল, মনে রাঙ্গা শাড়ীর অঞ্চল।  
বুঝছেন, কি কঠিন রোগ। তবে হাঁ, কবিরাজ  
ভজহরির হাত থেকে যম ছাড়া কোন মানুষই রুগ্নী  
নিয়ে যেতে পারবে না। রোগ সাফ হয় ভাল,  
না হয় রুগ্নী ঠিক সাফ হবে।

[ প্রেমময় এতক্ষণ উদাসভাবে কড়িকাঠের দিকে  
চেয়ে বসেছিল, এখন স্বাভাবিক অবস্থায় ফিরে  
এল। ]

প্রেম। ( চারিদিকে চেয়ে ) কোথায় এসেছি আমি ?

রাম। কবিরাজ মশায়ের কাছে। তোমার শরীর অসুস্থ  
বলে এখানে এনেছি।

প্রেম। কে বল্লে ?

রাম। কেন এই মাত্র কবিরাজ মশাই দেখে বললেন তুমি  
ভায়ি অসুস্থ, বাঁচবার আশা নেই। ও’র কথা  
তো অবিশ্বাস করা যাব না।

কবি। ঠিক। বিশ্বাসে ঘিলাই বস্তু তর্কে বহুদূর। মরণে  
বিশ্বাস করো সে আসবে—

প্রেম। আপনাকে কাঁধে করে নিয়ে যাবে। এত সব  
বাজে লোকের আড়া। অস্থি ! এ অস্থি  
কবিরাজের বাবার সাধ্য নেই ষে সারাও।

কবি। শুনলেন তো বাবাজীর কি রূকম শক্ত অস্থি।

প্রেম। আমার হৃদয় অস্থুস্থ, পরাণ চক্ষু।

তার, নপুর ধৰনি  
, ষদি, কেবলি শুনি  
মম হৃদয় মাঝে,  
কেন, পুলকে গেতে  
বলো, চাবো না ষেতে  
মধু বিজন সাঁথে।

( হঠাৎ চমকে উঠে ) সন্ধা হয়েছে। যাই যাই  
প্রিয়ে। রাগ করো না, দাঁড়াও, এই ষে  
যাচ্ছি।..... এই যে এসেছি—

তব শ্রেণয় গৃহে  
এই এসেছি প্রিয়ে  
ভুলি নিখিল লাজে ! [ প্রস্থান।

স্বাম। বাবা প্রেমু, শুনে যা, শুনে যা—

[ বেগে প্রস্থান।

কবিরাজ। মশাই আমার কৌ, কৌর টাকাগুলো—

[ পশ্চাত ধাবন

## ষষ্ঠ দৃশ্য

স্থান—পি ৮৫৬ সন্দার্গ এভিনিউ

[ ড্রঃ কুম। পিয়ানো বাজিয়ে ঝোরা গান গাইছে। ]

জন্ময় আমাৱ উঠল দুলে কেন ৰে তা নাইকো জানা।

গোপনে কুল উঠল ফুটে শুবল নাকো কাকু মানা॥

হাওয়াৱ সাথে আসল ভেসে

স্বাকাশে চাদ উঠল হেসে

মেঘদৃতী তাৱ বাৰ্তা আনি, মনেৱ মাখে দিল হানা॥

ঝোরা। ছ'টা বেজে গেল, এখনও মাষ্টাৱ মশাই এলেন না  
কেন ? প্ৰেমময় নামটি কিন্তু বেশ। আৱ নামেৱ  
সম্মানও তিনি অঙ্গুল, রেখেছেন। কালকে যাবাৱ  
সময় কি পঞ্চাই লিখে গেলেন, আহা !

ৰৌদ্ৰেৱ উভাপে যবে ফেটে যায় বুক  
সাহাৱাৱ মাখে প্ৰিয়ে যেন জল বিনা,  
তথন তোমাৱ ঐ হাস্তোদীপ্তি মুখ  
শূশীতল কৱে প্ৰাণ, মনে বাজে বীণা।  
বৱফ বৱফ বলি ছোটে চাৱিলিকে  
তোমা পানে চেয়ে পাই হিমেৱ সন্ধান,  
একশত বারো যবে তাপঘান ঘন্টে  
হিমালয় সম মোৱ তথন পৱাণ।

বিরহ ভীষণ চৌজ হস্ত বিকল  
মাথা ঘোরে পেট ফাঁপে পা ওঠে বে কুল,  
মনে হয় এ জীবন হয়ত বিকল  
প্রাণ যেন প্রিয়া হাতে হ'ল ডাংগুলি ।  
রোগা লোক মোটা হয়, মোটা হয় রোগা ।  
টাকা ও সময় ব্যয় সার দুখ ভোগা ॥

বলমেন, একে বলে সনেট । কবিহের কিছুই এঁৰ  
কাছে বাদ নেই । এই যে আসছেন, আমি মুখ  
ফিরিয়ে বসি । ( তথাকরণ )

[ প্রেমময়ের প্রবেশ ]

শ্রেম ।      অভিমান ? কিসের অভিমান বলো মোরে—  
তারকা আনিতে বলো আনিব ধরে  
                  ফিরায়ো না মুখ সখি  
                  কাছে বসো চোখাচোখি,  
জান তো বিরহ রোগে ঘেতেছি মরে ।  
ফোরা রাগ করেছ ?

ঙ্গোরা ।      আপনি এত দেরী করলেন কেন ? কখন থেকে  
আপনার পথ চেয়ে বসে আছি ।  
শ্রেম ।      ( হাত ধরে ) আমায় ক্ষমা কর ঙ্গোরা । একটা  
বিশেষ কাজে আটকে পড়েছিলুম । আজ কি  
পড়বে ?

ঙ্গোরা । ( হাত ছাড়িয়ে ) আজকে রবীন্দ্রনাথের কবিতা  
পড়ব।

প্রেম । বেশ। বল, কোন জায়গা পড়াই ? রবীন্দ্রনাথ  
সম্বন্ধে আমার একটু আধটু ষ্টাডি করা আছে।  
অমন ভাবপূর্ণ রসে ভরা লেখা আর কেউ লিখতে  
পারে না।

ঙ্গোরা । সোনার তরৌটা কাল পড়া আছে।

প্রেম । ( বই নিয়ে পাঠ ) সোনার তরৌ  
গগনে গরজে মেঘ ঘন বরষা,  
কূলে একা বসে আছি নাহি ভৱসা।  
আগে এই দুই লাইন শোন। সেনার তরৌ।  
নামটা সোনার তরৌ হ'ল কেন ? রূপার তরৌ  
অথবা লোহার জাহাজ হ'ল না কেন ? তার  
কারণ রবীন্দ্রনাথ এখানে প্লেজোর ইঅট মানে  
করেছেন। সোনার অর্থে অর্থ বোঝচ্ছে, তা না  
হ'লে স্মৃথের কথা কোথা থেকে আসবে, বুঝলে ?

ঙ্গোরা । কিন্তু—

প্রেম । কিন্তু নেই। তারপর শোন। গগনে গরজে মেঘ,  
ভয় রস অথবা রুদ্ররস বলতে পার। মেঘ গর্জন  
করছে অর্থাৎ কিনা বিপদ সূচনা করছে। ঘন  
বরষা, বৃষ্টি পড়ছে। এ হ'ল করুণ রস, আকাশ  
কঁাদছে। কেন ? বিরহে।

ঙ্গোরা । কাম বিরহে ?

প্রেম। মেঘদূতের বিরহে। ছবিতে দেখনি “ষক্ষেত্র  
বিরহ—মেঘদৃত”। যক্ষ মেঘদূতের জন্ম কান্দছে।  
বুঝলে ? তাৱপৱ কুলে একা বসে আছি। একলা,  
ভয়ের কাৰণ রঘেছে। এই জন্মই এৱ পৱ কবি  
বলছেন, নাহি ভৱসা। একলা কিসেৱ ভৱসা ?  
এই হল বিৱহেৱ স্তৱ। কিন্তু যদি তুমি আৱ  
আমি থাকতুম একসঙ্গে, তবে লিখতুম—  
গগনে চমকে রবি নাহি বৱষা।  
কুলে দোহে বসে আছি কত ভৱসা ॥

ফোৱা। চমৎকাৰ।

প্রেম। ( হাঁটু গেড়ে বসে ) তথন বলতুম—  
তোমাৱ চৱণ তলে জীবন আমাৱ  
তুমি বিনা এ ধৱণী বিজন অসাৱ—

[ প্ৰভাৱ প্ৰবেশ ]

প্ৰভা। বেবী, কি হ'চ্ছে এসব—

প্রেম। বুঝলে। মধুসুদন দক্ষ এই কথাই বলছেন—

( সেই ভাবেই বসে থেকে )

সন্মুখ গৱে পড়ি' বীৱ চূড়ামণি

বীৱবাহ, ষবে গেলা যমপুৱী—

হাঁটু গেড়ে, কাৰণ শোক প্ৰকাশ কৱতে তখনকাৱ  
দিনে সকলে হাঁটু গেড়ে বসতেন। মৃতেৱ প্ৰতি  
সম্মান প্ৰদৰ্শন।

অঙ্গা । আশুক তোমার বাবা, পড়া বের করছি ।

[ প্রস্থান

ফ্লোরা । মাষ্টার মশাই—

প্রেম । ( হাত ধরে ) ফ্লোরা, না মিটিতে সাধ যম রাতি  
পোহার ।

ফ্লোরা । এই খানেই কি আমাদের প্রেমের শেষ হবে ?

প্রেম । না, না, তা হতে পারে না । জান প্রিয়ে, প্রেমের পথ  
কাঁটার ভয়া । প্রেমিক জানে না কোন ভয়,  
মানে না কোন বাধা । আমারাও মানব না ।  
ইলোপ করব । প্রেমিকাকে ভাগিয়ে নিস্ত্রী যাওয়া  
আপ-টু-ডেট ফ্যাশন ।

ফ্লোরা । অ্যাডভেঞ্চার ! মাষ্টার মশাই, চমৎকার হ'বে ।  
আমরা দু'জনে চলে যাব নৃতন জয়াগায়, নৃতন  
দেশে । সেখানে মোদের কেউ জানবে না, চিনবে না—

প্রেম । শুধু তুমি আর আমি । আমি কবিতা লিখব তুমি  
শুনবে । গগনে টান উঠবে, গাছে কোকিল ডাকবে,  
বসন্তের বাতাস প্রাণে শিহরণ আনবে, আমি চাইব  
তোমার পানে, তুমি চাইবে আমার পানে—

ফ্লোরা । ( আবেগ ভয়া কর্ণে ) মাষ্টার মশাই ।

প্রেম । ( আবেগ ভয়া কর্ণে ) ফ্লোরা ।

[ ( ভিতর থেকে ) দিদিমনি, তেতুন এস, মঢ়  
তাকচেন । ]

ক্লোরা । মাঝীর মশাই আবার কবে দেখা হবে ?

প্রেম । ক্লোরা আজ তবে বিদায় । কালকে বিকেলে  
একবার ইডেন গার্ডেনে থেও । সব কথা বলব ।

[ উঠে দাঢ়াল

ক্লোরা । বিদায় ! কাল ষেন দেখা পাই ।

[ দুজনের দু'ধারে প্রস্থান

### সপ্তম দৃশ্য

স্থান—রাম সদয় বাবুর বাহিরের ঘর

[ রামসদয় বাবু বসে তামাক ধাচ্ছেন আর কাগজ পড়ছেন,  
এমন সময় একতাড়া কাগজ নিয়ে বজ্জব্লকুটি  
ধান্তগৌরের প্রবেশ । রামসদয় বাবু চমকে  
কাগজ রাখলেন । ]

রাম । আপনি কাকে চান ?

বজ্জ । আপনাকে । আমার নাম শ্রীযুক্ত বজ্জব্লকুটি  
ধান্তগৌর । আমি একজন সাহিত্যিক । বশুমতী,  
ভারতবর্ষ, প্রবাসী, শনিবারের চিঠি কেহই আমার  
লেখা ছাপিতে সাহস করেন না, কাব্য আমার উচ্চ  
ভাব-বিলাসিতা এবং ভাষার উপর অঙ্গুত পারদর্শিতা  
তাঁহাদের হত্ত-চৈতন্য করিয়া দেয় ।

রাম । তা আমাকে কেন ?

বজ্জ। কেহ শুনিতে পারেন না, কারণ আমার জ্ঞানের  
প্রাচীর তাহাদের লজ্যন করিবার ক্ষমতা নাই।  
আমি একাধাৰে সাহিত্যের সব্যসাচী, বৃকোদৱ,  
ঘটোৎকচ। আপনাকে আমার নৃতন গবেষণা-  
মূলক একটী প্ৰবন্ধ শুনাইব বলিয়াই আজ এইখানে  
আগমন কৰিয়াছি। আপনি একজন সাহিত্য  
রসজ্ঞ।

রাম। আপনি ভুল কৰছেন—

বজ্জ। ভুল ! নহে, নহে। আপনার নামই তো ধূঁজ্জটী  
শঙ্কুৰ মহলানবিশ।

রাম। না, আমার নাম রামসদয় হালদার।

বজ্জ। একই কথা। ফুলকে যে নামেই সন্ধোধন কৰুন  
না কেন ফুল ফুলই থাকিবে। আমার অঢ়কাৰ  
প্ৰবন্ধেৰ নাম—

রাম। কিন্তু আপনি ভুল কৰছেন, আমি এ সবেৱ কিছুই  
বুঝি না।

বজ্জ। বিনয় ! আপনি যদি না বুঝিবেন তবে বুঝিবে কে ?  
শ্ৰবণ কৰুন। নাম কৰণ কৰিয়াছি “মাৰ্কণ্ডেৰ ষড়”।  
তাৱপৱ, “দিবস শৰ্ববৰ্মী” ষে দিকৰীগণ শুঁশন  
কৰিয়া একই বাণী ঘোষণা কৰিতেছে, সেই অতি  
উজ্জ্বল এবং জলস্ত প্ৰশ্নেৰ মীমাংসা অত এই ক্ষুজ্জ  
বাহাম পৃষ্ঠাব্যাপী প্ৰবন্ধে আমি কৃট তকেৱ দ্বাৱা

প্রমাণের উপর ভিত্তি স্থাপন করিয়া ইহাই সিদ্ধান্ত  
করিয়াছি যে”—বুঝিতেছেন ?

রাম। ( ফ্যাল ফ্যাল ক'রে চেয়ে ) না, কিছুই না ।

বজ্জ। আর একটু শ্রবণ করুন। আমি একেবারে অপ-  
সম স্বচ্ছ করিয়া দিতেছি। “আমাদের প্রশ্ন কি ?  
আমি যে প্রবন্ধ লিখিতেছি তাহার কারণ কি ?  
তাহার কারণ এই যে আমাদের প্রশ্নটী জগতের  
সম্মুখে প্রকাশ করিতে হইবে। প্রশ্নটী কি ?  
কেন আমি লিখিতেছি—”

রাম। কি বলছেন সব—

বজ্জ। শ্রবণ করিয়া ধান। যত শ্রবণ করিবেন, আমার  
উচ্চ ভাব সমূহের আলিম্পনে আপনি ততই মুক্ত  
হইবেন। “দেশের দৈন্য আমাদের স্থবির করিয়া  
রাখিয়াছে। আমাদের সকলেরই, মানব মাত্রেরই  
এখন কর্তব্য—”

রাম। গাত্রোথান করা। আমি উঠলুম।

[ রামসদয়ের প্রস্থান  
বজ্জ। চলিয়া গেলন ? আমি অপেক্ষা করিব কি ?  
ত্রিলোচন বাবু, শুনিতেছেন ? উত্তম, বৈকালে  
আসিয়া বাকী কয়টা পৃষ্ঠা শুনাইব— [ প্রস্থান  
[ রামসদয় বাবুর চারিদিকে উঁকি মাঝতে মাঝতে প্রবেশ । ]

রাম। গেছে, বাঁচা গেছে। কি আপদই জুটেছিল। কি  
যে সব মাথামুণ্ডু—

শ্রীমান् মানিক গুহের প্রবেশ। ফুল প্যাণ্ট পরা, শার্টের কলার  
উল্টান, কোট নেই। কজিতে রিষ্টওয়াচ। একহাতে মেজারিং টেপ  
আর এক হাতে সিনেমা ছারদের ছবি। মুখে সিগার,  
মাথায় হাট। এসেই রামসদয় বাবুকে বেঁকে  
দাঢ়িয়ে আড় চোখে দেখতে লাগল। তিনি  
হাঁ করে চেয়ে রাখলেন। ]

রাম।                   আপনি আবার কে ?

মানিক।           আমার নেম হচ্ছে ম্যানক জিহু। লোকে  
মানিক গুহ বলে থাকে। অমি একজন সিনেমা  
ডিরেক্টর। ইউনিট খুঁজছি। সবই ঠিকঠাক  
হ'য়ে গেছে। স্টুডিও, ক্যাপিট্যাল আর আট'ষ্ট  
পেলেই আরস্ত ক'রে দিই।

রাম।                   আমার কাছে কেন ?

মানিক।           আপনার অন্তুত ফিল্ম ফেস। (মাথাটা নেড়ে দিয়ে)  
টিপিক্যাল সিনেমা হেড। আপনাকে আমি ষ্টার  
ক'রে দেব। কি হ'তে চান ?

রাম।                   কিছু হ'তে চাই না—

মানিক।           নো, নো, ইউ আর মের্ট টু বী এ ষ্টার। চাল'স  
লটন, ওয়ালেস বিয়ারী, লাম্বোনেল বেরীমূর, কেউ  
লাগবে না। শুপার্ব ! ষ্টুপেণ্স !! ধুলিং !!!  
বুঝলেন ?

রাম। কিম্বের কি বুঝব ?

মানিক। (কপাল মাপতে মাপতে) এক্সকুইজিট আউ। গ্রে হেয়ার। চমৎকার, বিফিটিং। আপনাকে হীয়ারো সাজতেই হ'বে। আমেরিকা এ দেশের কত কোটি টাকা পিকচার দেখিয়ে নিয়ে যাচ্ছে জানেন। দেশের টাকা দেশের ধাকে এই আমাৰ ডিজায়ার। ওৱা বুলডগ ড্রামণ করেছে, আমি নেড়িডগ ড্রামণ কৱব। কম্পিউটিশনে মেরে দেব। আপনি কি বলেন ?

রাম। বিদেশ হতে বলি।

মানিক। অট্টাস্ট ইট। এই প্রস্পটিনেশ দৱকাৰ। আপনি পারবেন। (হাত ধৰে উঠিয়ে) একটু হাঁটুন, আপনাৰ গেট দেখতে হবে। শাই ফৌল কৱববেন না।

রাম। এবাৰ আপনাকে রাস্তা দেখতে হবে।

মানিক। এক্সাইটেড হবেন না। ষ্টাৱডম আপনাকে ইনভাইট কৱেছে।

রাম। তোমাৰ পিঠ দেখছি আমাৰ লাঠিকে ইনভাইট কৱেছে। বেৰোবে কিনা ? (ধাকা)

মানিক। (ষেতে ষেতে) মনে রাখবেন শ্ৰীৱ্যামপোৰেৰ ঠিক বাইয়েই আমাৰ ষ্টুডিও হ'বে। হাওড়াৰ গিয়ে ষে কোন টিকিট ক্লার্ককে মিষ্টাৰ জিহুআৰ

## আপ-টু-ডেট

ষ্টুডিও বললেই টিকিট দিয়ে দেবে। হীমারো কিন্তু  
সাজতেই হবে।

[ বলতে বলতে প্রশ্নান ]

রাম  
জালালে। রবিবারে একটু জিরুবো তাৱও উপায়  
নেই। যত সব অসভ্যগুলোৱ আগমন। আৱ  
ভালো লাগে না। ( তাকিয়া ঠেশান দিয়ে  
তামাক খেতে খেতে ) ব্যাটা বলে কিনা নেম হ'চ্ছে  
ম্যানক জিজ্ঞাসা। মানিক গুহ থেকে এই অপূর্ব  
নামেৰ কি কৱে যে স্থষ্টি হ'ল বলা যায় না। নাঃ,  
দৱজাটা বন্ধ কৱে দিয়ে আসি, নইলে আবাৰ কোন্  
জৌবেৰ অবিভাৰ হ'বে কে জানে।

[ বাইরে গিয়ে দৱজা বন্ধ কৱে আসলেন ]

প্ৰেমুৱ ভাৰ-গতিক দিন দিন কেমন যেন হ'য়ে  
পড়ছে। কিছুই বুৰুতে পাৱছি না। সব সময়ই যেন  
কি রুক্ম উড়ো উড়ো মন। গিন্ধী বলছেন বিয়ে  
দিতে, কিন্তু মাথায় তো বিলক্ষণ গুগোল। কি যে  
কৱি ? আমিও বুড়ো হয়ে পড়েছি। ছেলেটা নাকি  
আবাৰ টুইশন কৱছে, পঞ্চাশ টাকা মাইনে—

রাম

[ বাইরে খট খট ধৰনি  
কে হে ? কাকে চাও ?

( নেপথ্য ) একবাৱ দৱজাটাই খুলুন না।

রাম

না, না, আপনি ভুল কৱছেন। এ বাড়ী নয়।

( নেপথ্য ) আগে খুলুন তো।

রাম।      জালাতন পোড়াতন। কোথাকার কে, দরজা  
খোল, দরজা খোল—

[ প্রস্থান ও চিন্তামনি লাহিড়ীর সঙ্গে প্রবেশ ]

রাম।      আমি আপনাকে চিনি না।  
চিন্তা।      চেনেন না? আমি কিন্তু আপনাকে চিনি।  
আপনার নাম কি বলে—যষ্টী না, না, মধু—আ  
গোবর্ধন, বলুন না?

রাম।      আমার নাম রাম সদয় হালদার।  
চিন্তা।      কেন ঠাট্টা করছেন মহাশয়? আপনার নাম  
কখনই তা হতে পারে না। আপনার নাম গোবর্ধন  
বম্বন। আমি দার্শনিক, মহাত্মিক পণ্ডিত।  
আমার সঙ্গে চালাকী চলবে না—

রাম।      কি বাজে বকছেন। ও নাম আমার নয়।

চিন্তা।      প্রমাণ করুন। তক করতে হলে একটা নিয়ম,  
গ্রাম মানতে হ'বে। আপনি অবোধ, আপনার  
কথা অবোধ্য।

রাম।      আপনি কি চান?

চিন্তা।      প্রমাণ চাই। কিন্তু প্রমাণ করতে পারছেন কই?  
দেখুন গোবর্ধন বাবু, মানবের চিন্তা প্রকাশ  
করবার চেষ্টাতেই ভাষার জন্ম। কিন্তু আমি  
যদি বলি ভাষাই মানবের চিন্তার কারণ—আপনি  
না করতে পারেন?

- রাম।      ভায়লা মুক্ষিল ! আপনার মতলবটা কি বলুন তো ।
- চিন্তা।      ( নিজের তালে ) পারেন না । কেন পারেন না ?  
কারণ আপনার চিন্তাশক্তি নাই । বোধ শক্তির  
অভাব অতএব আপনি নির্বোধ । বাক্য ও চিন্তা  
দুইই এক ! বাক্য চিন্তার রূপ আর চিন্তা বাক্যের  
প্রাণ । কি আশ্চর্য ! মনু এ বিষয় একটী  
চমৎকার শ্লোক লিখেছেন—
- রাম।      মশাই, পৃথিবীতে কি আর কেউ নেই যে আমার  
কাছে—
- চিন্তা।      আপনাকে শোনাতে চাই । দেশের লোককে  
উন্নত করতে হ'লে চিন্তা শেখাতে হ'বে । চিন্তা  
ক'রে সংক্ষিপ্ত ভাবে নিজেকে প্রকাশ করাই হ'ল  
দর্শন । দর্শন মানে দেখা ।
- রাম।      আর দেখে কাজ নেই মশাই, আপনি দয়া ক'রে  
এবার বিদায় নিন ।
- চিন্তা।      বিদায় কথাটা ভাল ভাবে বিশ্লেষণ করে দেখুন ।  
আমরা বিদায় বলি কেন ? দায় হৈন হ'ল বিদায়  
অর্থাৎ যার কোন দায় নেই স্বতরাং ভাবনা নেই  
এবং সেই কারণে চিন্তা নেই । কিন্তু আমার  
ইচ্ছা আপনি চিন্তা করতে শিখুন । আপনি  
অর্চান, বুদ্ধিহীন ।
- রাম।      যাও, যাও, এখুনি বেরিয়ে যাও ।

চিন্তা । এখন এই জীবন এবং মৃত্যু সম্বন্ধে যে রহস্য রয়েছে  
রাম । ( হাত ধরে ) বেরোও বলছি, যত সব ফার্জিল  
চেঁড়ার দল—

চিন্তা । জীবন না হলে মৃত্যু এবং মৃত্যু না হ'লে জীবনের  
পরিমাপ—

[ ধাক্কা দিয়ে বার কবে দরজা বন্ধ কবে দিয়ে এলেন ]

রাম । কি মুক্ষিলেই পড়েছি বাবা । যত সব আজে বাজে  
লোকের হাঙ্গামা । কেউ সাহিত্যিক, কেউ সিনেগ্মা  
ডিরেক্টর, কেউ দার্শনিক । এবার কেউ এলে আর  
কথনও দরজা খুলব না ।

[ বাহিরে খট খট প্রনি ]

রাম । ( আপন মনে ) খুলব না, কক্ষনও খুলব না ।  
( চেঁচিয়ে ) যাও খুলব না ।

( নেপথ্য ) ও রামসদয়, একটু দরজাটা খোল, বিশেষ  
প্রয়োজন ।

রাম । আমির নাম রামসদয় নয়, আপনি ভুল করছেন ।

( নেপথ্য ) আমি শৈলেন, চিন্তে পারছ না ।

রাম । শৈলেন ফৈলেন চিনি না । খুলব না, ব্যস্ত ।

( নেপথ্য ) ভাই ভৌষণ বিপদে পড়ে তোমার কাছে এসেছি,  
একবার খোল ।

[ ( বাড়ীর ভেতর থেকে ) ওগো শৈলেন ঠাকুরপো  
এসেছে । দরজা খুলছ না কেন ? ]

রাম।      অঁয়া, শৈলেন ! ওহে, দাঁড়াও, দাঁড়াও, খুলছি ।

[ প্রস্থান ও শৈলেন দাশগুপ্ত সঙ্গে প্রবেশ ]

দাশগুপ্ত।    দরজা খুল্ছিলে না কেন ?

রাম।      আর ভাই সকাল থেকে যত সব ফককড় ছেলের  
দল খালি বিরক্ত করে মারছে, তাই দরজা বক্ষ  
ক'রে রেখেছিলুম । ওঃ, কি বিপদেই প'ড়ে ছিলুম ।  
একজন বেমালুম বলে বসল, আমাৰ নাম নাকি  
গোবৰ্ধন বম্বন ।

দাশগুপ্ত।    আমাৰও ভয়ানক বিপদ । গিন্নৌ তো কাঁদতে  
লেগেছে । বলে আমাৰই নাকি সব দোষ ।

রাম।      কি হয়েছে বলত' ?

দাশগুপ্ত।    তা আমি কি কৱব বল ? আজ সকালে হঠাৎ  
গিন্নৌ ভয়ে নীল হ'য়ে এই চিঠিখানা এনে আমাৰ  
হাতে দিলে । বেবৌৰ পড়াৰ টেবিলে ছিল ।  
আমি তখন ষ্টেলাৰ স্পেকট্ৰামেৰ কথা ভাবছিলাম ।  
সব ছিন্ন ভিন্ন হয়ে গেল ।

রাম।      দেখি চিঠিখানা ।

[ হাতে নিয়ে পড়তে লাগলেন ]

ডার্লিং ফ্লোৱা !

প্ৰিয়তমে, আজকে সাড়ে বারোটাৰ ট্ৰেণে  
আমৱা কলিকাতা ত্যাগ কৱব । তোমাৰ গয়না,  
কাপড়-জামা, একটা ছোট স্কুটকেশে নিয়ে

এগারটা নাগাদ হাওড়া ষ্টেশনে এস। আমি  
মার বাক্স থেকে শ' তিনেক টাকা ঘোগড় করেছি।  
তোমার বিরহে আমার বুক ফেটে যাচ্ছে। তিন  
দিন তোমার সঙ্গে দেখা হয়নি। তোমার চিঠি  
পেয়েছি। হাতের লেখা যেন আমার দক্ষ প্রাণে  
অমৃতের প্রলেপ বুলিয়ে দিয়েছে। এবার চিরদিনের  
মত তোমায় আমি কঢ়ে পাব। ভুলনা ! ইতি—

তোমার চরণাঞ্জিত  
“ P ”

( ঘড়ি দেখে ) এখন এই সবে এগারটা বেজেছে। শৈলেন চল,  
এখনি হাওড়ায় চল'—  
দাশগুপ্ত। যাবাৰ সময় গিমৌকে নিয়ে গেলে ভাল হ'ত। আমি  
এ সব ভাল বুঝি না। জৌন বলেন—  
রাম। তাৰ যা ইচ্ছে তিনি বলুন। চল আমৰা বেড়িয়ে  
পড়ি। ওগো, দৱজাটা বন্ধ কৰে দিও।

[ প্রস্থান ]

## অষ্টম দৃশ্য

স্থান—হাওড়া ষ্টেশনের প্ল্যাটফর্ম'।

[ ফ্লোরা পায়চারী করছে। বেঞ্চের উপর স্থুটকেশ রাখা। ]

ফ্লোরা। এগারটা বাজল, কই এখনও এলেন না কেন ?  
কিছু বিপদ আপদ হল নাকি, না ভয় পেয়ে  
গেলেন ? কিছুই তো বুঝতে পারছি না। ( অন্ত-  
মনস্ক ভাবে পায়চারী ব্রতে করতে হঠাৎ ) এষে  
আসছেন—

[ প্রেমময়ের প্রবেশ ]

এত দেরী হল কেন ডিয়ার ?

প্রেম। তোমার একক্ষণ এ দৈর্ঘ্য আমার শ্রদ্ধা আকর্ষণ  
করেছে। টিকিট কিনতে দেরী হয়ে গেল।  
তারপর সব কাজ ঠিক গুছিয়ে করতে পেরেছ কি ?

ফ্লোরা। ইয়েস।

প্রেম। ভয় করছে না তো ?

ফ্লোরা। ও, নো ! তুমি আমাকে চিকেন-হাটেড ভাবছ  
কেন ?

প্রেম। আমায় ক্ষমা কর প্রিয়ে। তুমি নারী অবলা  
সবলা, তাই প্রাণে ভয় হয়। এই সবে সাড়ে  
এগারটা, চল কিছু খেয়ে নেওয়া যাক।

[ দুজনের প্রস্থান।

( গাহিতে গাহিতে এক কুলৌর প্রবেশ )

ছনিয়া আজব হোয়  
 কোই করে কাম বিনা সোচে—  
 পিছে জাবন রোয়।  
 ইশক্ মে সব হো মতওয়ালা,  
 পাগল হো ষায় নয় অওর বালা,  
 চিড়িয়া খেত চুগ জানে বাদ  
 পছতায়ে কা হোয়।

[ রামসদয়, দাশগুপ্ত ও প্রতাৰ প্রবেশ ]

রাম। ( কুলৌকে ) হ্যারে, সাড়ে বারোটাৱ টেন কোন  
 প্ল্যাটফর্ম থেকে ছাড়ে।

কুলৌ। এই পালাটফারম

[ কুলৌৰ প্ৰস্থান ]

রাম। সাড়ে বারোটাৱ টেন এই প্লাটফৱম থেকেই  
 ছাড়ে। আমৱা এইখানেই অপেক্ষা কৰিব।

প্রতা। আমাৱ কিন্তু ভাৱি ভয় কৱছে, কি জানি কি হবে।  
 কেন মৱতে মেয়েকে লেখাপড়া শিখতে দিয়েছিলুম।

দাশগুপ্ত। ডিয়াৱ, ডিয়াৱ, এডুকেশন না পেলে কি চলে।  
 একটু কালচাৱ দৱকাৱ।

রাম। এৱ নাম কি কালচাৱ ? শুধু পঁথিৱ পড়া মুখস্থ,  
 তা ছাড়া কিছুই নয়। ওদিকে ছেলে মেয়েৱা  
 চাল শেখে, ঢং শেখে, উপৱস্থ যত সব সিলি

রোম্যান্টিক ব্যাপার শেখে, যাৱ না আছে মাথা  
না আছে মুগু। এ অল্প বিদ্যা ডয়ক্ষৰীৰ চেয়ে  
মুখ্য থাকা তেৱে ভাল।

[ হাত ধৱাধৱি কৱে ফ্লোৱা ও প্ৰেমময়েৰ প্ৰবেশ ]

ফ্লোৱা।      আমাদেৱ জীবন কাটিবে নৃতন সুয়ে, নৃতন ছন্দে—  
প্ৰেম।      উঠিবে প্ৰেমেৰ উজান, যত ব্যথা, ব্যাদী—

[ এঁদেৱ দেখে দুজনেই স্তুষ্টিত। ]

ফ্লোৱা	মাস্টাৰ মশাই—বাৰা—
প্ৰেম।	তাই তো বা—বা—
ৱাম।	(এগিয়ে এসে প্ৰেমময়েৰ কাণ ধৰে) ছুচো ছেলে—
প্ৰভা।	( ফ্লোৱাৰ হাত ধৰে টেনে ) বাঁদৰ মেয়ে—
দাশগুপ্ত।	কিন্তু আইনষ্টাইন এ বিষয় বলেছেন—
প্ৰভা।	আৰাৰ সেই আইনষ্টাইন—

[ ফ্লোৱা মাৰ মুখেৰ দিকে ও প্ৰেমময় বাপেৰ মুখেৰ  
দিকে চেয়ে থাকা অবস্থাম ঘৰনিকা পতন। ] ..

